

مُشَاطِقَاتُ

محل مطبعه دارداره :

جغفال اوغلنده امنيت

صندوغی جوارنده

شنگول يقوشنده

۲۵ نومرو

اضطار :

مسلكمزه موافق آثار

جدیه مع الممنونیه

قبول اولنور

درج ایدلمین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و شئونه اسلامیه در بحث ایدره هفته ده بر نشر اولنور .

آبونه بدلی

صاحب و مؤسسری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلهدن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	اتی آیلانی	غروش
۶۵	۳۵	۳۵
۶۰	۳۰	۳۰
۱۷	۹	۹

عدد : ۱۲۱

۲۷ ذی الحجه پنجشنبه ۱۶ کانون اول ۳۲۶

بشنجی جلد

مبارکک اطرافنده تکر تکر دیزلمش و هر اوچی براره یه جمع اولمش جوریه ، اقبال ، کتر نامیه اسماری زیرلینه یازلمش نسوان اسلام فطوغرافلرینی علی ملاالناس شهیر ایتک مقتضیات مشرطیتدنم در . باخصوص برینک باغین بر حالده ارقه سی اوستی سریمش صاحب لری دوکولمش و سلطان سلیم حضرتلری باش اوجنه کتیرلمش بره نظاره نک بویه احاد ناس آره سنده ابرازی اسلامیت ایله قابل توفیق میدر . بورالریخی اکلایه میورم رجا ایدرم معقول ایسه غزته کنزله نشرایدیکزده بزده بیلیمیه رک بر خطایه دوشیمه لم . طوغریسی شو حال شعائر اسلامیه یاقیشمیورظن ایدرم باقی نتیجه یه انتظار ایلمکده یم اقدام .

حقوق مکتبندن ولی افندی اسمنده بر ذات محترمده پولایسه احبار کیفیت ایتش ایسه ده بر نمره کوریه نامشدر . بوطابلو درت بش کوندنبری ممر ناسده شهیر ایدلمکده در . بو کیجه ده تیاروسی اوینانه جقدر ،

سلانیکده مدحت پانا جاده سنده
استقامت اجزاخانه سی

صاحبی : سلیمان شروکت

صراط مستقیم — شو مکتوبک آلتنه کنده یزدن برشی علاوه ایتیه جکیز . چونکه سلانیک ولایتی شمندی یه قدر یک حقلی اولان بو اختاری حائر اولدینی اهمیتله متناسب بر صورتده تلقی ایتش ، اخلاقک ، انصافک ایجابی یرینه کتیرمسدر ظن قویسی بسایورز .

مطبوعات

بصره رهبرانه ما کیمیت عثمانیه نرلمکده

بعض کیمسه لر ، طنینک مملکته فائده سندن زیاده زبانی طوقوندیغی ادعا ایدرلر . بابان زاده اسماعیل حق بکک « عراق مکتوبلری » « طنین » ده باصیامادن اول بو ادعانک طوغریاغی اوکه سورمک بر آز قابا، اوله بیلورسه بیه اشبو مکتوبلرک طبعندن صوکره مذکور ادعانک چوروکلکی محققدر . اسماعیل حق بکک بومکتوبلری جاهد یک افندیک بوتون خطای سیاسیلرینی عفو ایتدیره بیه جک قدر مملکته فائده لیدر ، او مکتوبلر بزه تماماً مجهول بر مملکتتمزک بر اقلیمه زک احوالی ، احوال اسف اشتمالی بیلیدردی . کوزلریزی آچدی . بر قاج پارلاق مدنیت طوغورمش ، محتشم بر قاج سلطنتی طویورمش قوجه عراقده حاکمیتتمزک تهلمکده اولدیغی تماماً آکلاتدی . باقکیز ، مثلاً صوک مکتوبلرندن بریسنده نه مهم سوزلر سویلیور ،

بصره کاجه « بو حوالیده بصره قدر هوایی بوزوق و بونکله برابر بصره قدر اهمیت تجاریه و سیاسیه مالک و ممالک عثمانیه جه اک اوزاق و مهجور اولدینی ایچون احتمالکه اک مهمل و تروک بر موقع یوقدر کیم نه دیرسه دیسون صوک اوتوز سنه طرفنده عراقک مرکز ثقلت سیاسیه سی چوقدن بصره انتقال ایلشدر . عشارده اک اول کوزه چاربان شی بش آلتی بویوکجه واپور . فقط هپسک بایراغی انکلیز . بصره نک هانکی جهته باقسه کز انکلیزاکه متعاق بیک درلو شی در حال نظر عبرت و تأثرکزه

چادیه رق انکلیز طیرناغسک بو مملکت آلتنه نه درجه نفوذ و حلول ایتش اولدیغی حس ایدرسکیز . سوزلرده ، عمارورده بیه اک عادی بر حال انکلیزجه الفاظی تعریب ایتش ، کمیکیلک و سائر اصطلاحاتی کندی شیوه سنه اویدوره رق تصریف و تصرف ایدیور .

بر طرفدن کویت ، دیگر طرفدن عمره دن اعتباراً شطالعربک ساحل یسارینه دوشن ممالک ایرانیه ده فرمانفرما شیخ خز عل واسطه سیله انکلیز بصره سنجاغی عادتاً بر دمیر چنبر ایچنه آتش ، صیقیشدیریور . تمادی متصل بر تضییق ایله آووجی ایچنه آتله چالیشیور . اودرجه ده کی تمامیه تدقیقاتی ایلری کوتوره مدیکم بر روایت کوره الوم شطالعربک کرک عمره جهتنده و مثلاً عبادده موقعنده و کرک بصره جهتنده بولنان بر جوق عربانه انکلیز تابعیتی و باحایه سنی بیه بخش ایتکه باشلامش ، معافیه ایران طوپراغنده کی حلول و نفوذی ده شدید اولدینی ایچون بوروایت اوجهت حقه ده ها فوایدهر ایکی تقدیرده دولت عثمانیه ایچون بونک ضرری آشکاردر . فیرا شطالعربک اوبریاقه سنده بولنان عربان عمیه هر وقت شطک عثمانی جهته کچرک حائر اولدیلری حایه نک سوق و تشویقیله انواع غوائل احداث ایده بیلیرلر . و ایدیورلر .

نهر تطهیر اولونسه الوم نوعاً انکلیز انحصارنده بولونان مدخل نهردن حاصل اولان تفوق و امتیاز زائل اوله جق . بو لیمان بیشکاهنده لشکر اندزا اولان واپورلرک بوتون شاندره لری انکلیزلره عائددر . بر فنار دوبه سی وارکه اوده انکلیزلرکدر . وانکلیز حکومتی دیگر قومپانیه لره فنار موقنی و صوبک صیغ اولیمان جهتلرینی اراده ایدیور ایسه بونی لطف مخصوص اولقی اوزره یایدیغندن بو لطفنی ایستدیکي وقت دریغ ایتک حقنی حائردر . و بو صورتله بر عثمانی واپورینی بالواسطه دخولدن منع ایده بیلیر . حیرت اندر حیرت ! بزم فنارلر قومپانیه سنک بویه اک مهم بر لیمان مدخلنده فناری یوق ، صایح دوبه سی یوق . حکومتیز ، نه دن نه دن بو اداره یی اوراده بر فنار بولندیرمغه و بو یوزدن اولسون بو حوالی بی اجنبی نفوذندن آزاده قیلیمغه اجبار ایتیور ؟ بو نقطه ده بر دقیقه امله محل یوقدر . مع مافیه انکلیزلر الوم بصره یی و بوتون عراقی کورلته جک دیگر تشبانه بولنیورلرکه اوکئی علی العجله آلامادیغیز تقدیرده عاقبتی یک وخیم اولور . معلوم اولدینی اوزره لینج قومپانیه سی عمره ده شطالعربه دوکولن کارون نهرنده دخی سیرسفائن حقه مالکدر . بو کونلرده بر انکلیز شرکتی کارونک قسم علیاسنده غایت زنجین بر پترول معدنی امتیازینی استحصال ایتشدر . بو شرکت عملیات لازمه یه کمال اهمیتله ابتدار ایتدیکي ایچون نهر کارون بر اهمیت مخصوصه یی اکستساب ایلدی . شمندی انکلیزلر عمره نک بر آز آشایسندره ایران طوپراغنده و شطالعرب اوزرنده یی یکی بر انکلیز شمیری بر انکلیز لیمانی وجوده کتیریورلرکه آز زمانده باکو و امثالنه یتیشه جکی اغلب احتمالدر . پترول واسطه سیله واقع اولان بو نفوذ و حلول تجاری و سیاسیدن ماعدا انکلیز بر آ دخی شوسه انشا ایتک و نقلیاتی اجرا ایلک حقنی استحصال ایتش اولدیغندن الوم بغداد و خاقین طریقله احتیاجات خارجیه سنی تدارک ایتکده اولان ایرانک بزم ایله هم حدود اولان جهانی و همسدان حوالیسی کاملاً کارون نهرینک خراجگذاری اوله جق و بغداد ایله بصره ادخالات تجاریه نقطه نظرندن بوس بتون کورلنوب قاله جقدر . شو حالده بر طرفدن بغداد - خاقین شخندوفرنی بر آن اول انشا ایتک ، دیگر طرفدن بصره نک لیمان حالته افراغیله اوراده کی تجارتی تسهیل ایتک فرض عیندر . حال بویه ایکن بصره ده حالا اشیای تجاریه یی استیعاب ایده جک درجه ده کرک انتره بولری یوق . اموال تجاریه میدانده ، کونشه ، رطوبته ، یاغموره مروض . . باشلامش بر ایکی غیر کافی بنانک بیه انشا آلتی اکاله همت ایدیور . یو ایسه بر طرفدن قسم مهمی اجنبی اولان تجارتک شکایاتی و سفارتلرک بیه مداخلاتی استلزام ایتدیکي کبی مملکتک ترقی وانکشاف تام تجاریسی . سکتهدار و واردات رسومییه یی دخی ضرر کلی به دوجار ایلور . بناء علیه باشلامش بنالرک اکالی ویکیلرینک انشاسنه ابتدار ایچون [اواصر مستعجله واکیده ویرانی لاید کورونیور . اشته بر سوزی موانعکه

ایشته مصر لیلرله انکیزلر آردسند بویله بر حائل بولنسی حقیقتک مجهول قلمنی ایجاب ایدیور .
لورد کیچنرده بر چوق زمانلر مملکت مزده اوطور مش اولقله برابر بزه عائد آز چوق معلومات ایدینه مش اولانلردن بریدر . فرض ایدلمکه وقیله مصری ای آکلامش اولسون ؛ لیکن بوراده بولنیله بری ایشلر اوقدر دیکه ششدرکه شوقیسه مدت ظرفنده احوالی قابل دکل احاطه ایدمیه جکدر .

ذاتاً لوردک هراشی حقیله اوکرندیکی ، انکیزه یه ده مصرک آرتق اعاده صالح وسکون ایتش اولق حسیله قانون اساسی یه ، استقلاله اهلیت کوستردیکنی یازسه بیله حکومت بوتکلیفی حصیر آلتی ایدمیه جک دکلیدر ؟

کوزلریز ایله کوردک که مصرک انکیزه مستعمره سی حالنده قلمسنه طرفدار اولانلر بزه اختلال چیقارمق ایچون سلاح ، مهمات تدارکی کی هیچ خاطریمزه کلیان اسناداتده بولندیلر بوندن بشقه بزی تعصب دینی ایله ، هانکی قومیه منسوب اولورسه اولسون بتون اجنبیلره قارشى عداوتله اتهام ایتدیلر ؛ یالان ، افترا طور به سنده نه وارسه هپسنی برر برر چیقاروب اوزریمزه طوغری فیرلا تدیلر .

لورد کیچنر بوللرک هپسنی پک اعلا بیلیر . لیکن شبهه یوقدرکه حکومت نزدنده موقعی بودر جهلرده یوکسک اولان بر آدم سویلیه جکی سوزک اول امرده حسن قبوله مظهر اولسنی دوشونور ؛ یعنی دیکلنمیه جک سوزی سویلیه مز .

لیکن اگر لورد کیچنر حربده اولدیغی قدر سیاستده عزم صاحبی ایسه کذلک ، سویلیه جکی حقلی بر سوزک حکومت طرفندن قبول ایدلسمی ملتک نزدنده کی اعتبارینی تنقیص ایتیه جکنه قائل ایسه مملکت مزى اشغال ایدنلر جه علیهمزده سویلن سوزلرک ماهیتنی منافقاردن مداهنلردن دکل ، ارباب ناهوسدن تحقیق ایدمیه میدانده کی افترا لری تکذیب ایتک البته کنیدیسی ایچون بروظیفه اولور .

بز لورددن بوکون نه خیر بکلورز ، نه ده شر . نه زمان یا کنیدی رأیی یا خود کنیدیسیله کوروشلرک رأیی کورورسه ک اوزمان تدقیق ایدوب بر حکم ویریرز . یوقسه شمیدیکی حالده لورد بزه تزهه چیقمش برسیاحدرکه مصرک لطیف منظره لری ، طبعی کوزلرک لری تماشا ایچون کلشدر . اوت اومنظره لری ، اوکوزلرک لری که انکیزلرک اثر صنعی اولمایوب صرف دست خلقتک کاریدر .

روسیه مجلس مبعوثانده قزانه مبعوثی صری افندی

مفسرینک مسهم بر نطقی

« صراط مستقیم » قارئینه معلومدرکه بر بحق آیدن بری روس مجلس مبعوثانی ، روسیه لی مسلمان قارده شلریزک استقباللری ایچون فوق العاده حائر اهمیت ، تدریسات ابتدائیه قانون لایحه سنک مذاکره سیله مشغولدر . مذاکره اثناسنده آزلقلرینی اقدام وغیرتلیله تضمینه جالیشان مسلمان مبعوثلری ، مدافعه حقوقدن اصلا کیری طور مندیلر ؛ هر بری بر قاج دفعه جدی ومهم نطقلر سویله دیلر .

بصره نك لا یقیله ترقیسنه مانع برده ففدان آسایش ومشوش بر نفوذ ومداخله خارجیه واردرکه بو جهتلری اهمیتی حسیله انشاء کله جک مکتوبده بیلدیرم . اکر بوتون بو احوال افکار عمومیه مزه ، مجلس عمومیه مزه ونهایت حکومت مزه معلوم اولدیغی حالده یته قیلمد انزسه ق ، یته منجمد قالارق هیچ آلدیرمازسه ق ، آرتق بو مملکتی اداره ایتک ایشک آری اولمادیغمزی حقیقه اثبات ایتش اولورز .

لورد کیچنر مصرده نه یاپه جق ؟

الواء رفیق محترمزدن :

لورد کیچنرک مصری زیارت ایتسنه اوروپا مطبوعاتجه ویریلن اهمیتی بزم یرلی جریده لریز ویرمیدی . زیرا انکیزلرک بوکونکی سیاستلرنده کی شدتی طوغربدن طوغری به مصر لیلر چکدیکی ایچون بونلر ایشک ده ایلرینه کیدیه بیله جکنه احتمال ویره میورلر .

اوروپا غزته لرینه کلنجه بونلر کیچنر حقنده او یله بر طاقم ظنلر بسلیورلرکه هیئت مجموعه سی ، لوردکده مصر لیلرک استقلاله اهلیتی اولدیغی ، انکیزلرک مصرده ابدیاً یرلشوب قالمقده حقلی اولدیغی ادعادن بشقه بر غرض بسله مدیکنه دلالت ایتکده در . هر نه قدر مسلک لری آردسند کی اختلاف رغماً اوروپا غزته لری ایچون لورد کیچنرک مصری زیارتندن بحث ایتک اوروپا لیلرک انکیز اشغالی یوزندن بر مصیبت ایچنده بولندیغمزی اکلامش اوللرینه دلالت ایتکده ایسه ده اوللر بو مصیبتک درجه سنی قابل دکل اکلایه مازلر . انکیزلر ایسه بو مصیبتی تشدید ایچون هیچ بروسیله یی قاجیر مامشلردر .

نته کیم مراجعت ایتدک لری هیچ بر واسطه شدت قالمامشدر . لورد کیچنر مملکت مزه صرف زیارت مقصدیه کلدیکی ایچون « سیرغورست » ک سیاستنه اشتراک ایتک ، یا خود او سیاستی تنقید ایتک صلاحیتی حائر دکلدر . ایشک غایتی مصرده کوردکلرینی یا تحریراً حکومتنه بیلدیره جک ، یا خود عودتنده شفاهاً اکلایه جقدر . لیکن اکر بویله ایسه انکیزه حکومتی لورد کیچنر اعتماد خصوصنده بیوک بر خطا ایدیور . زیرا لورد مصرده انحق بر قاج کون اوطوره بیله جک که بوقدر قیسه بر زمان ظرفنده ایشلر حقیله اوکره نیله مز . ذاتاً لورد بر ضیافتدن چیقوب برینه کیریور . بوندن بشقه انکیز دوستلریله ، یرلیدن سودکلرندن بشقه سیله ملاقاتده بولمیور . حاضر لولدیغی جمعیتلرده کی آدم لردکده بر قسمی ، نزاکته رعایتله بر قسمی ده صرف متصف اولدیغی نفاقک ، مداهنه کارلغک سوبیله لوردک حضورنده مصر لیلری انکیز اشغالندن ممنون کوستریرلر . بوکی جمعیتلرده طبعی بشقه لری قلقوبده کیچنرک یوزینه قارشى حقیقتی سویله مهبی آداب مخالف کورورلر .

او حالده لورد کیچنر مصرده جریان آیدن احوالی حقیله نرهدن اوکره نیله جک ؛ صکره ، انکیزه حکومتی بونک مشاهداتنه فصل اعتماد ایدمیه جک ؟ انکیزلر بومملکتلرده سنه لرحه بولندقلری حالده احوال محلیه یه عائد اولق اوزره بوراده بر چوق پاره ، بر چوق اسباب رفاهیت بولندیغندن بشقه برشیدن خبردار اولمیورلر . چونکه اهالی ایله اختلاط ایتدک لری کی زواللیره هیچ اهمیت ویرمیورلر .